



*Poex: 1246*




2530




1869 11. 387


























Beatæ Memoræ  
*VIRI MAGNI ET MAGNIFICI*  
**DN. FRID: ZAMELII**  
Reipubl. Elbing. Cos. &c.



**F**lete nefas vestrum ZAMELI flete Penates,  
Vestra columna ruit: Vester amor periit.  
Virgilius moriens arcanum credidit artis  
ZAMELIO: huic famâ par fit; & occubuit.  
Fussit Apollo suæ Mysteria doctius artis  
Promere: ZAMELIUS prodit & occubuit.  
Sistite sed lacrimas: Nam qvî benè transigit ævum,  
Non moritur. Vitam, qvî benè transit, habet.  
Dignum laude Virum morier qvia Musa vetabat,  
Hinc sua post viver funera ZAMELIUS.

### AD VIATOREM.

**G**Radum siste precor, revolve mente,  
Politum, nitidum Virum ZAMELUM,  
Clarum Philosophum eruditione.  
Doctum Philologum, integrum, probatum  
Cinctum tempora Phœbi utrâq; lauru,  
Insignem, celebrem, optimum Poëtam,  
Aeq; Diis superis amatum & imis,  
Aeq; Principibus Viris amatum &  
Plebi, nec minus exteris amatum.  
Quam suis, Patriæ decusq; gentis.

Vivit,



Vivit, non obiit. Abi Viator  
Cubent molliter ossa, comprecare.

*Pet. Stegm: M. S.*

**F**Lebilibus vetuit quondam se flere querelis  
Ennius, & tristes ingeminare modos.  
Non credebat enim, lachrymas sua posse mereri  
Funera, qui volitet docta per ora Virum.  
Te quoq; *Magne Senex, Phœbi Sophiæq;* ZAMELI,  
*Delicium, patrii lumen amorq; soli,*  
Velle supervacuis, hoc auræ lumine cassum,  
Plangere lamentis, fas minus esse reor.  
Corpus abit, morbis fractum senioq; fatemur:  
Iure suo grassans Atropos usa fuit:  
Os filet, eloquii nuper gratissima sedes:  
Divitis ingenii Dextra ministra, riget:  
Ivimus exequias: quicquid mortale tenebas,  
Sarcophagus parvo jam capit omne sinu:  
Sed meliore tamen post funera parte superstes,  
Aurea laurigêrum fers super astra caput.  
Per mare, per terras, quâ se Virtutis & Artis  
Pandit iter, latè didita fama volat.  
Pectoris illa tui Monumenta perennia, prisco  
Pyramidum longè nobiliora situ,

Ver-




Verſantur cupide doctis, laudantur, amantur:  
Nil his tempus edax, nil Libitina nocet.  
Vos ô tam celebri Soboles prognata Parente,  
Cum dulci fratrum, Tu Gotoſfrede, Pari,  
Tendite, qua Genitor præit: & veſtigia qvondam.  
Discite non ſegni calce paterna ſequi.  
At tu, qvam tanti Virtus illuſtrat Alumni,  
Elbinga, ô Pruffi gemma venuſta ſoli,  
Sis memor, & qvamvis noſtræ nil laudis egenti,  
In Tumulo ſculpi talia fortè juðe:  
Hic ſacri Cineres ſervantur & Oſſa ZAMELI,  
Qvo felix nuper Conſule mater eram.  
Ut Verona minor me ſit, ne Mantua major  
Audiant, hoc Civi debeo grata meo.

*Fautoris ſui, dum vivebat, propenſiſſimi,  
Exiguum ſummi honoris & amoris Monumentum P.*


Joh. Petr. Titius.

































sidr0019523



Biblioteka Jagiellońska



